



Ayuntamiento
de Vitoria-Gasteiz
Vitoria-Gasteizko
Udala

GAIA: A ETA B TALDEETAKO HAINBAT KATEGORIATAN 2017-2018 LAN ESKAINTZA PUBLIKOAREN ONDORIOZ ALDI BATERAKO KONTRATAZIO-ZERRENDAK SORTZEA. A1 (A) eta A2 (B) taldeak.

EBAZPENA

Gasteizko Udalaren 20017-2018 Lan Eskaintza Publikoa arautzen duten Oinarri Orokorrak ikusi dira; Funtzio Publikoaren Arloko zinegotzi ordezkariaren 2018ko uztailaren 31ko ebazpenaren bidez onetsi eta 2018ko urriaren 1eko ALHAOn (113. zk.) argitaratu ziren.

Oinarrietako hamalagarren oinarriak dioenez, “Egokitzen diren aldi baterako langile beharrei erantzuteko kontratazio-zerrendak sortuko dira txanda irekiko eta barne-sustapeneko deialdietatik —proba guztiak gainditu bai baina lanposturik eskuratu ez dutenekin osatuko dira—. Zerrenda bakarra izango da. Barne-sustapeneko txandan aurkeztu direlarik oposizio-aldia gainditu duten pertsoneri, lehen ariketako lehen proba egitetik salbuetsita daudenez, 6 puntu gehiago emango zaizkie. Puntuazio horren arabera, txanda irekiko pertsonekin tartekatuko dira. Lanpostu eta kategoria profesional horretarako ordura arte indarrean egondakoa ordeztuko du zerrenda horrek, eta Udalak finkatua duen araudiari jarraiki kudeatuko da”.

Eranskinean zehazten diren deialdietako lehiaketa eta azterketa faseak bukatu dira.

Aldi Baterako Kontratazio Zerrenden Jarraipen Batzordeak –Aldi Baterako Kontratazioetarako Zerrendak Kudeatzeko Araudiaren 3, 4, 31.4,31.6, eta 31.7 artikuluetan xedatutakoarekin bat etorrira– Aldi baterako kontratazio-zerrenda berriak sortu eta handitzeko proposamenak egin ditu. Horien aurrean, eta Toki Jaurbidearen Oinarriak arautzen dituen 7/85 Legeak –abenduaren 16ko 57/2003 Legeak aldatua– 127. artikuluan aitortzen dituen eskumenak direla medio, eta alkateak 2019ko ekainaren 21ean Funtzio Publikoaren Arloko zinegotziaren gain utzitako aginpidea baliaturik, erabaki dut honako hau

EBAZTEA:

- 1) 2017-2018 Lan Eskaintza Publikoaren ondorioz **I. eranskinean** zehazten diren kategorietan **aldi baterako kontratazio zerrendak osatzea**.
- 2) Aldi baterako kontratazio-zerrenda berriak **praktika aldiko funtzionarioak lanean hasten diren eguneko edo egun horren ondorengoko hasiera-data duten kontratuetan erabiliko dira**.
- 3) **II. eranskinean** zehazten diren kategorietako kontratazio-zerrendak baliorik gabe geratuko dira, hots, **“historiko” izatera igaroko dira** aurreko puntuan adierazitako datatik aurrera.

- **4) Oposizio-aldia gainditu arren lanposturik eskuratu ez duten izangaien zerrendarekin osatzen diren kontratazio-zerrendak antolatzea (1. txanda), bai eta zerrenda horiek 2. eta 3. txandekin handitzea, honela:**
 - **1. TXANDA.-** Kontratazio-zerrendak osatuko dira oposizio-aldia gainditu arren lanposturik eskuratu ez duten eta deialdian adierazitako eskakizunak (adina titulazioa, IT txartelak, tasen ordainagiria...) betetzen dituztela garaiz eta behar bezala egiaztatzen duten pertsona guztiekin. Txanda barruko hurrenkera lehiaketa- eta oposizio-aldietako puntuazioen batura.
 - **2. TXANDA.-** Zerrendak handitu egingo dira aurreko txandan ez dauden, oposizio-aldia gainditu duten, lanposturik lortu ez duten, eta eskakizunak bete arren, Epaimahaiak ezarritako epean egiaztatu ez dituzten pertsona guztiekin. Egiaztagiria aurkezteko epe berri bat ezarriko da, balioetsieta kontratazio-zerrendetan sartu ahal izateko. Txanda barruko hurrenkera lehiaketa- eta oposizio-aldietako puntuazioen batura.
 - **3. TXANDA.-** Zerrendak handitu egingo dira oposizio-aldiko lehen ariketa bai baina bigarena gainditu ez duten pertsona guztiekin, baldin eta eskakizunak betetzen dituztela garaiz eta behar bezala egiaztatzen badute. Hainbat eguneko epea ezarriko da egiaztagiria aurkezteko. Txanda barruko hurrenkera oposizio-aldiko bi probetako puntuazioen batura.
- **5) Interesatuei jakinaraztea beren eskabideak kontratazio-zerrendak kudeatzeko zerrendan aktibatze prozeduraz (III. eranskina)**
- **6) Interesatuei ebazpen honen edukiaren berri ematea,** iragarki-taula elektronikoan zein Udalaren webguneko "2017-18ko Enplegu Eskaintza Publikoa" atalean argitaratuta, eta izangaiek xede horretarako emandako posta elektronikoko helbideetara mezu bana bidalita.
- **7) Interesdun orori ebazpen hau jakinaraztea, zeinak agortu egiten baitu administrazio bidea;** horren aurka administrazioarekiko auzi errekurtsua aurkeztu ahalko da zuzenean Euskal Herriko Auzitegi Nagusiko Administrazioarekiko Auzietarako Salan, jakinarazten den egunaren biharamunetik hasita bi hilabeteko epean; bestela, nahi izanez gero, berraztertze errekurtsua aurkeztu ahalko zaio erabakia hartu duen organoari berari, **argitaratzen den egunaren biharamunetik hasita hilabeteko epean.**

Hala agindu eta sinatzen du Gasteizko Udaleko Giza Baliabideen zinegotzi ordezkari Iñaki Gurtubai Artetxek, 2020ko ekainaren 22an.